

Niðurstöður í máli nr. 237/2021 í Samráðsgátt stjórnvalda.

Drög að reglum voru birt 22.12.2021 og kallað eftir umsögnum til 24.01.2022. Ein umsögn barst frá Samtökum fjármálafyrirtækja (SFF).

Vegna ábendingar frá SFF var 7. mgr. 3. gr. reglnanna breytt þannig að það kæmi fram með skýrum hætti að heimilt er að setja nánari reglur innan vinnustaðar um ferlið við innri uppljóstrun og að slíkar reglur skuli gerðar í samráði við starfsmenn, vera skriflegar og aðgengilegar öllum starfsmönnum og mega ekki takmarka rétt starfsmanns samkvæmt reglunum og lögum um vernd uppljóstrara. Verður 7. mgr. 3. gr. reglnanna svohljóðandi eftir breytingu:

Stofnanir og lögaðilar sem eru að 51% hluta eða meira í eigu hins opinbera geta sett nánari reglur innan vinnustaðar um ferli við innri uppljóstrun, s.s. um hvernig meðhöndlun erinda eigi að vera og hver tekur við þeim. Slíkar reglur skulu gerðar í samráði við starfsmenn, vera skriflegar og aðgengilegar öllum starfsmönnum og mega á engan hátt takmarka rétt starfsmanns samkvæmt reglum þessum og lögum um vernd uppljóstrara.

Ráðuneytið telur ekki þörf á frekari breytingum á drögunum vegna ábendinga SFF. Í greinargerð með frumvarpi því sem varð að lögum um vernd uppljóstrara er umfjöllun um þær ábendingar sem bárust þá í gegnum samráðsgátt um hugtök og orðalag. Í kjölfarið tók frumvarpið ákveðnum breytingum. Fyrir liggur að endanlegur lagatexti/hugtakaskilgreiningar hafa yfirfærst í reglurnar og telur ráðuneyti ekki ástæðu til breytinga á orðalagi reglnanna hvað það varðar.

Áformað er að birta reglurnar í Stjórnartíðindum.